

Տարեկան Տեղեկագիր Հովիւին

Ս.Գրիգոր Լուսաւորիչ Հայց. Եկեղեցւոյ

1967 Յունվ. 1- 1967 Դեկտ. 31

Սիրելի ծխականներ,

Աստուծոյ ողորմութեամբ տարի մը եւս բոլորեցինք եկեղեցական մեր գործերուն կատարման մէջ:

Ս.ՊԱՏԱՐԱԳ. - Ամէն Կիրակի անխափան Ս.Պատարագ ունեցած ենք եկեղեցւոյս մէջ ի բաց առեալ այն Կիրակիները որ համաժողովներու առթիւ բացակայած եմ քաղաքէն: Պատարագ ունեցած ենք Ծննդեան եւ Ջատկի ճրագալոյցներու առթիւ: Մեծ Պահոց շրջանին Հանգստեան եւ խաղաղական ժամերգութիւն եւ Արեւազալի արարողութիւն կատարած ենք: Բաժնոգած ենք թէ Հայերէն եւ թէ Անգլերէն լեզուներով:

ԽՈՐՀՐԴԱԿԱՏԱՐՈՒԹԻՒՆՆԵՐ. - Հետեւեալ խորհուրդները կատարած ենք 1967 շրջանին:

Մկրտութիւններ. - 13, Պսակադրութիւններ 4, Թաղումներ 11:

Ասոնցմէ զատ մասնակցած ենք երկու պսակադրութեանց մէկը Բէյսին միւսը Զվընըսթընի մէջ:

Երկու տարբեր առիթներով գերեզմանօրհնէք կատարած ենք ծխականներու փափաքով:

ԱՅՑԵԼՈՒԹԻՒՆՆԵՐ. - Չանազան առիթներով այցելած եմ ծխականներուս:

81 հիւանդներու այցելած եւ աղօթած եմ:

24 ցաւակցական այցելութիւններ տուած, աղօթած եւ մխիթարած եմ ծխականներուն մահերու առթիւ:

Ծննդեան եւ Ջատկի 97 տունօրհնէք կատարած եմ:

257 հովուական այցելութիւններ տուած եմ ծխականներուս:

Ընդհանուր այցելութեանց գումարը եղած է 459:

ԺՈՂՈՎՆԵՐ. - Ներկայ գտնուած եմ Երկու Սիրիտաւորի, Տիկնաց Միութեան, Երիտասարդ Տիկնաց Միութեան, Երիտասարդաց Կազմակերպութեան, եւ Կիրակնօրեայ Դպրոցի Ուսուցչական ժողովներու:

Ասոնցմէ զատ ներկայ գտնուած եմ Մայր Տաճարի Յանձնախումբի, Դեկավարներու պատրաստութեան Յանձնախումբի, Երջանային Եկեղեցականաց, Միջ-Արեւմտեան շրջանային Յանձնախումբի, Գոհար Գասպարեան Համերգի Յանձնախումբի, Վերանորոգում ի Քրիստոս շարժման, Սրբազան Առաջնորդի գլխաւորութեամբ, շրջանիս եկեղեցիներու Միական Խորհուրդներու եւ երեսփոխաններու միացեալ ժողովներուն:

ՀԱՄԱԺՈՂՈՎՆԵՐ. - Եկեղեցւոյս անունով մասնակցած եմ Թեմական Պատգամաւորական Համա-

ժողովին, Տիթրոյթի մէջ: Հայց. Եկեղեցւոյ Երիտասարդաց Կազմակերպութեան Համա-ժողովին Բավլինկ նիւ Եորթ: Այդ Կիրակի ես պատարագեցի Բավլինկի մէջ:

"Վերանորոգում ի Քրիստոս" շաբթուան ընթացքին, այցելեցի Վոքիկըն եւ Սաուլ Միքվոքի եւ քարոզեցի: Ուրիշ առիթով դարձեալ հրաւիրուեցայ Սաուլ Միքվոքի քարոզելու համար: Հոկտ. 22ին նախիկն ծուխիս, նորթ Թիլատէլիոյ Ս. Երրորդութիւն Հայց. Եկեղեցւոյ Միական Խորհուրդի հրաւերով եւ մեր պատուարժան Հոգաբարձութեան բարեհաճ հաւանութեամբ, Թիլատէլիոյ գացի պատարագելու եւ քարոզելու համար, Նորակարոյց եկեղեցւոյ առաջին տարեդարձին առթիւ:

Ձև N 1 ԱՐԿՆԵՐ. - Անցնող տարուան ընթացքին կազմակերպեցինք հետեւեալ ազգային եւ տօնա-
կան ~~հետեւեալ~~ հանդիսութիւնները:

- Վարդանանց Տօնակատարութիւն:
- Ապրիլեան նահատակաց Սգահանդէս:
- Սահակեան Քալէնի Օր:
- Մայր Տաճարի Հանգանակութեան ճաշկերոյթ:
- Եկեղեցւոյ Տարեդարձի Տօնակատարութիւն:
- Կիրակնօրեայ Դպրոցի Ծննդեան հանդէսի պատրաստութիւն:
- Յովհաննէս Սրկ. Գասպարեանի ողջերթի ճաշկերոյթի պատրաստութիւն:

Այս ձեռնարկներուն յայտագրի պատրաստութիւնը, բեմադրութիւնը եւ պէտք
եղած պարագաներուն դիմա-ծպտումները կատարեցինք:

Ասոնցմէ զատ նաեւ մասնակցեցանք հետեւեալ համայնքային ձեռնարկներու:

- Գառնսըլ ավ Զըրչըզի ժողովներուն:
- ~~Աստուծածառնի Տարեդարձի Տօնակատարութեան:~~
- Վարդանանց Ասպետներու Վարդանանց Տօնակատարութեան:
- Գոհար Գասպարեանի երգահանդէսին:
- Բարեգործական Միութեան կազմակերպած շրջանաւարտներու ի պատիւ ճաշկերոյթին:
- Լրբերի Օր-ուան ճաշկերոյթին:
- Սեբեստացիներու Համաժողովին եւ ճաշկերոյթին:
- Հոշեցի-Գոշեցիներու Ուսումնասիրացի ժողովին:
- Միտ-Վէսթի Հայկական Քէմբին:
- Յառաջդիմական միութեան ճաշկերոյթին:
- Տէր եւ Տիկ. Յակոբ Իբճեանի ամուսնութեան Տարեդարձի ճաշկերոյթին:
- Դեմոկրատներու շրջանային յարգանքի ճաշկերոյթին:
- Սեբաստացիներու հալօին բարթիին:
- Հայաստանի անկախութեան տարեդարձի ճաշկերոյթին:
- Վերայայտ-էք Յովհաննէս Անիմպարի Մշակութիւնը:*
- Միշտ ներկայ գտնուած եմ եկեղեցւոյ ձեռնարկներուն, ճաշկերոյթներուն,
Պազարին, Պարահանդէսներուն եւ Տիկնաց Միութեան ամսական ճաշ-ժողովներուն:
- Դաշտահանդէսներուն:

ԱՅՑԵԼՈՒ ԵԿԵՂԵՑԱԿԱՆՆԵՐ. - Անցնող տարուան ընթացքին եկեղեցիս այցելած են հետեւեալ
եկեղեցականներ:

- Գեր. Տ. Թորգոմ Ս. Մանուկեան, Թեմիս Առաջնորդը:
- Գեր. Տ. Տիրան Ս. Ներսոյեան:
- Գեր. Տ. Գնել Ս. Ձէրէնեան:
- Հոգ. Վարուժան Մ. Վրդ. Գապարաճեան:
- ,, Վրթանէս Վրդ. Գալայճեան:
- ,, Վահրիճ Աբեղայ Գազանճեան:
- Արժ. Տ. Լեւոն Բհնյ. Առաքելեան
- ,, Տ. Գրիգոր Բհնյ. Հայրապետեան
- ,, Տ. Տաճատ Բհնյ. Դաւիթեան
- Բարշ. Յովհաննէս Սրկ. Գասպարեան

Աշխարհականներ. - Տեար Յարութիւն Կուժունի, Պր. Դաւիթ Աղամեան,
Օր. Լէնոր Թուլիկեան:

"ԼՈՒՍԱՌՈՐԻՉ". - Եկեղեցւոյ ամօրեայ տեղեկատուութեան թիւ կանոնաւորաբար հրատարակեցինք
երկու եզու, Անգլերէն եւ Հայերէն բովանդակութեամբ:

Տպագանակը 150 էն բարձրացած է 280ի:

էյ.Սի.Վայ.Օ.էյ.— Երիտասարդաց Երեց եւ Կրտսէր խումբերը հակառակ իրենց սակաւաթիւ ըլլալուն ժրաշան կերպով կ'աշխատին իրենց ծրագիրներու իրագործման համար: Կազմակերպեցին պարահանդէսներ, շրջանային ժողովներ եւ դասախօսութիւններ: Դասախօսութիւններէն մէկը Ս.Պատարագի բացատրութիւնն էր նկարներով իմ կողմէ դասախօսուած: Աւելի ուշադրութեան եւ քաջալերանքի պէտք ունին մեր երիտասարդները:

ԴՊՐԱՅ ԴԱՍ.— Շատ ակնայատ է որ Դպրաց Դասը պէտք ունի կարող Դպրապետի մը: Դպրաց անդամներ ունինք սակայն կարող վարիչի մը չգոյութեան պատճառով պէտք եղած արդիւնքը ձեռք չբերուիր: Շատ գնահատելի է անոնց նուիրուած ծառայութիւնը եկեղեցւոյ երգեցողութեան մէջ:

ԿԻՐԱԿՆՕՐԵԱՅ ԴՊՐՈՑ.— Աշակերտութեան թիւը աւելցած է, սակայն բաւականաչափ ուսուցիչ եւ առանցին սենեակներու չգոյութիւնը կը դժուարացնէ ուսուցչական կազմին աշխատանքները: Տեսչուհիին հրաժարման պատճառով Կիրակնօրեայ Դպրոցի ղեկավարութիւնը եւ խնամակալութիւնը յանձնուած է ուսուցչական կազմին հովիւին գլխաւորութեամբ: Պէտք ունինք ուսուցիչներու մանաւանդ տեսուչի մը:

Ներկայ ուսուցիչներուն կատարած աշխատանքը վեր է ամէն գնահատանքէ:

ՀԱՅ ԴՊՐՈՑ.— Հոկտ.ի սկիզբը վերաբացուեցաւ դպրոցը մեր ջանքերով: Ապահովեցինք գործակցութիւնը Տիկ.Ջէփիւն Եազընեանի որպէս Հայ Դպրոցի ուսուցիչ մեզ հետ սորվեցնելու հայերէն լեզուն մեր մանուկներուն, սակայն դժբախտաբար գործակցութիւն չենք գտներ ծնողներու կողմէ, որոնք այլեւայլ պատճառներով իրենց զաւակները դպրոց չեն բերեր: Ներկայ աշակերտներուն թիւը 10 է միայն:

ՏԻԿՆԱՅ ՄԻՈՒԹԻՒՆՆԵՐ.— Երեց եւ Երիտասարդ Տիկնաց զոյգ Միութիւններ ողնասիւններն են եկեղեցւոյ առանց անոնց շատ դժուար պիտի ըլլար մեր հոգեւոր տունը, եկեղեցին հաստատ եւ պայծառ պահել:

ՄԻԱԿԱՆ ԽՈՐՀՈՒՐԴ.— ուրախ ենք որ Միական Խորհուրդի ներկայ անդամները նախկին Միական Խորհուրդի անդամներ ըլլալով փորձառութիւնը ունին գործին եւ մեր ժրաշան ատենապետին ճէյք Մաթէոսեանի անձնուէր ղեկավարութեան տակ, ընթացիկ տարուան շրջանին արդիւնաշատ գործունէութիւն ցոյց տուին: Իրենց տեղեկագիրը լսեցիք եւ տեղեկացաք անոնց գործունէութեան:

ԳՐԱՍԵՆԵԱԿԻ ԳՈՐԾԵՐ.— Նամակագրութիւններ, յայտարարութիւններ, վկայագրեր եւ արձանագրութիւններ ժամանակին կատարուած եւ մասնաւոր տոմարներու մէջ պահուած են:

Այս բոլորը որոնք կատարուեցան դիւրութեամբ չեղան. յոգնեցանք, նեղուեցանք, հիւանդացանք բայց չյուսահատեցանք եւ Աստուծոյ օգնութեամբ եւ մեր բարեպաշտ ժողովուրդի գործակցութեամբ այսքան գործ կրցանք ընել: Դեռ ըլլալիք աշխատանքներ կան: Իրար հասկացողութեամբ եւ սիրով պիտի կատարենք բոլորը յառաջիկային: Պակասներ ունինք որոնք պիտի լրացնենք, սխալներ ունինք որոնք պիտի շտկենք:

Եւ այս բոլորը պիտի ընենք Աստուծոյ փառքին եւ եկեղեցւոյ պայծառութեան համար: Կ'ուզեմ շնորհակալութիւն յայտնել բոլոր վարչական մարմիններուն եւ մեր սիրելի հաւատացեալ ժողովուրդին որոնք օգնեցին ինձի որպէսի ուսերուս վրայ դրուած հովուական ծանր պատասխանատուութեան բեռը թեթեւ եւ գործս դիւրին ըլլայ:

Աստուծոյ օրհնութիւնը ձեր բոլորին վրայ ըլլայ. ձեզ եւ ձեր սիրելիները պահէ պահպանէ եւ երկար առողջ կեանք պարգեւէ: